

# Тосхлтин өдрт нерэдсн хург

Августин 10-д Элст балгъсна „Родина“ гидг кинотеатрт тосхачнрин өдрт нерэдсн байрин хург болв.

Балгъсна партийн комитетин сеглэтр үр Манцынов тер хургт доклад кев. Эврәннь докладтан эн тосхачнрин кергин күүцәнъгүүтә көдлмшин тускар келв, өмн нүүрт йовх коллективсиг темдглв. Тосхачнрин сән өдриг сән диилвртәгъяр темдглдз, тосхлтин 2-ч управлень, 1-ч тосхлтин линейин участк, ремстройконтор июльск зурагъан цагаснь өмн күүцäv. Чолуч үүрмүд Кондратьевин, Цуцковойин, штукатур үр Ихненкогъин, бешч үр Шиловин, урч үүрмүд Куцековин, Кабаковин, Ольховскин, Комаринцевин болн нань чигн улсин бригадс өмн нүүрт йовна.

Мана балгъсн шин тосхгджах гермүдәр дуурньг. Уульнц, переулок болгън шин босхджах эрсмүдәр кеерч. Амтн бәәх бәәр белдх—мана эркн төр—гидж докладчик келв. —Бидн 16 минъгън квадратн метр бәәр, 1000 бүл бәәх пәтр болн 500 эзнә гер бәрх зөвтәвдн. Балгъснд бәәх амтн 1957 джилин январь сарин негндк тоогъар болхла хойр холваник пәтр авхмн.

Гартан бәәх бәәри газрин

тосхлтин материалиг олзлдж, бат, килвр, сәәхн гермүдиг тургяр бәрх—мана тосхачнрин төр.

Дөрлдәнд диилвртә ирсн амтсиг, партин балгъсна комитетин, балгъсна күүцәгч комитетин күүндтә грамотар болн мөнъгяр ачлв. Хургт цуглрсн амтс түүрүн нүүрт йовх тосхачнриг удан альх ташлддж угтв.

Күүндтә грамот авчагъад, ремстройконторин шунмгъа чолуч Галина Харченко иигдж келв:

—Мана бригадт зургъан күүкд күүн йир сәәнәр көдлджәцхәнә. Шидр манд Эльвира Бувинова гидг баахн күүкн ирлә. Тер күүкн ирсн өдрәсн авн зөргтәгъяр эклдж көдләд, ода манас ард үлдхш. Удл уга Эльвирт зургъадгч разряд өгхмн. Тер мөрә болн күүндтә грамот чик көдлмшәри шинъгäv.

Күүкд күүн тосхач болна гидг мана цагт эгл төр. Юнъгад гихлә, наадад баахн күүкд магтдж бәәхш. Тер учрар, би багъчудиг, манур ирдж шин сәәхн гер бәрлгънд болн Хальмгтанъгъчин хотл балгъсиг кеерүллгънд орлцти гидж дууджанав.

Хургин сүүләр ирсн амтс кинофильм хәләцхäv.

А. КАРПЕНКО.